



SCHNITZELBÄNKE

Zeichnungen & Texte

WFr | BEWOHNER DER HERBERGE

© WFR 2018



Es isch die fünfti johrezyt,
dr Schnurepfluder isch wider so wyt
und bringt euch e Schnitzelbangg
e Querschnitt via Helge und Värslu-Bangg
dr Leitig und als Basler sZüri e hätzliche Dangg.

Nämeds nit zünisch aber mit Humor,
zwüsche ihne schiess au ich e eige Toor.
Drum nämeds liecht und nit zue schwer.
Geborgeheit hämmer, was wotsch no mehr.



Iss nit übre Hag, es git au e Vegi-Tag
bisch au du barat.

Tofu isch au weich und zart.

D'Biilag isch Gmües me nennt das Vitamiene
und zhie mit Verstand das ihne.

Dr Kanton schribt das vor,
glaub mir das isch wohr
mach dr keini Sorge,
freu di ufs Fleisch vo morgge.



Als Schiff darfsch nümme Hupe uf em See,
nur wäge einere Beschwärde. Das duet weh.

Als Teschtpilot vo dr Mirasch,
isch da Typ doch wirklich e Ar.....
zuedäm isch das sin zweite Wohnsitz,
das isch kei Witz.
Dä soll doch hei uf St. Moritz.
Verbiete chasch denn Alphornblose
und sälber in di ihne loose.



Dank de Spänder und uns alle,
hämmer e Dachterasse die chönt uns gfallt.
Si isch uffem Dach, das isch so ne Sach.
S'het e Lift und e Stäge,
heb sorg und due si pfläge.
Gesch über die ganzi Stadt.
Isch das nit süper glaot
Mir diend das sehr begrüesse,
heb Sorg und due das Gniesse,
somit chasch au Du do obe Läbe.
Heb Sorg zum Bode sunscht bisch dr näbe.



Jede isch e Stärn, öb vo Gana oder Bärn.
Au wens e mol git Chrach,
das wär den d'extra Meile
trotzdäm sind mir alli unter eim Dach.

Qualität het jede Stärn,
hämm mir doch enander gärn.
So isch s'Läbe eimol im Himmel eimol dr näbe.
Due Qualität und d'extra Meile leyere,
nimm di übere zue de Stärne zue de heitere
de chunsch no obsi uf dr Läbens-Leitere.